



ՇՐՋԱԿԱ ՄԻՋԱՎԱՅՐԻ ՆԱԽԱՐԱՐ
Հ Ր Ա Մ Ա Ն

« 15 » « սեպտեմբեր » 2025 թվական № 350-Լ

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆՈՒՄ ՎՏԱՆԳԱՎՈՐ ԹԱՓՈՆՆԵՐԻ
ԳՈՐԾԱԾՈՒԹՅԱՆ ԳՈՐԾՈՒՆԵՈՒԹՅՈՒՆԸ ԼԻՑԵՆԶԱՎՈՐՈՂ ՀԱՆՁՆԱԺՈՂՎ
ՍՏԵՂԾԵԼՈՒ, ԼԻՑԵՆԶԱՎՈՐՈՂ ՀԱՆՁՆԱԺՈՂՎԻ ԱՆՀԱՏԱԿԱՆ ԿԱԶՄՆ ՈՒ
ԱՇԽԱՏԱԿԱՐԳԸ ՀԱՍՏԱՏԵԼՈՒ ՄԱՍԻՆ

Հիմք ընդունելով «Լիցենզավորման մասին» օրենքի 8-րդ հոդվածի 3-րդ մասը, Հայաստանի Հանրապետության կառավարության 2003 թվականի հունվարի 30-ի N 121-Ն որոշման հավելվածի 7-րդ կետը և Հայաստանի Հանրապետության վարչապետի 2018 թվականի հունիսի 11-ի N 745-Լ որոշման հավելվածի 18-րդ կետի 20-րդ ենթակետը.

Հ Ր Ա Մ Ա Յ ՈՒ Մ Ե Մ '

1. Ստեղծել Հայաստանի Հանրապետությունում վտանգավոր թափոնների գործածության գործունեությունը լիցենզավորող հանձնաժողով:
2. Հաստատել՝
 - 1) Հայաստանի Հանրապետությունում վտանգավոր թափոնների գործածության գործունեությունը լիցենզավորող հանձնաժողովի անհատական կազմը՝ համաձայն հավելված N 1-ի,
 - 2) Հայաստանի Հանրապետությունում վտանգավոր թափոնների գործածության գործունեությունը լիցենզավորող հանձնաժողովի աշխատակարգը՝ համաձայն հավելված N 2-ի:

Հ. ՄԱԹԵՎՈՍՅԱՆ

9/15/2025

X

ՀԱՄԲԱՐԶՈՒՄ ՄԱԹԵՎՈՍՅԱՆ

Երևան

Signed by: MATEVOSYAN HAMBARDZUM 2809920230

Հավելված N1

Շրջակա միջավայրի նախարարի
2025թ. ~~մայիսի 11-ի~~ « 12 » N 350-Լ հրամանի

ԱՆՀԱՏԱԿԱՆ ԿԱԶՄ

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆՈՒՄ ՎՏԱՆԳԱՎՈՐ ԹԱՓՈՆՆԵՐԻ ԳՈՐԾԱԾՈՒԹՅԱՆ ԳՈՐԾՈՒՆԵՈՒԹՅՈՒՆԸ ԼԻՑԵՆԶԱՎՈՐՈՂ ՀԱՆՁՆԱԺՈՂՈՎԻ

Հ. Մաթևոսյան նախագահ),	շրջակա միջավայրի նախարար (հանձնաժողովի
Վ. Դավթյան	շրջակա միջավայրի նախարարի տեղակալ (հանձնաժողովի նախագահի տեղակալ),
Գ. Միքայելյան	շրջակա միջավայրի նախարարության թափոնների և մթնոլորտ արտանետումների կառավարման վարչության պետ,
Հ. Մկրտչյան	շրջակա միջավայրի նախարարության «Շրջակա միջավայրի վրա ազդեցության փորձաքննական կենտրոն» ՊՈԱԿ-ի տնօրենի պարտականությունները կատարող,
Լ. Փափախյան	շրջակա միջավայրի նախարարության վտանգավոր նյութերի և թափոնների քաղաքականության վարչության պետ,
Վ. Խաչատրյան	ազգային անվտանգության ծառայության տնտեսական անվտանգության և կոռուպցիայի հակազդման գլխավոր վարչության աշխատակից (համաձայնությամբ),
Ռ. Գրիգորյան	առողջապահության նախարարության «Հիվանդությունների վերահսկման և կանխարգելման ազգային կենտրոն» ՊՈԱԿ-ի շրջակա միջավայրի հիգիենայի բաժնի պետ (համաձայնությամբ),
Ա. Միրզոյան	բնապահպանության և ընդերքի տեսչական մարմնի ջրերի, մթնոլորտի, հողերի, թափոնների և վտանգավոր նյութերի վերահսկողության վարչության հողերի, թափոնների և վտանգավոր նյութերի վերահսկողության բաժնի պետ (համաձայնությամբ),

Գ. Ավետիսյան	Երևանի քաղաքապետարանի բնապահպանության վարչության պետի տեղակալ (համաձայնությամբ),
Լ. Հունանյան	առողջապահական և աշխատանքի տեսչական մարմնի հիգիենիկ, սանիտարահիգիենիկ և հակահամաճարակային վերահսկողության վարչության գլխավոր տեսուչ (համաձայնությամբ),
Ս. Պարանյան	էկոնոմիկայի նախարարության արդյունաբերության զարգացման վարչության գլխավոր մասնագետ (համաձայնությամբ),
Ռ. Խաչունց	քաղաքաշինության, տեխնիկական և հրդեհային անվտանգության տեսչական մարմնի տեխնիկական և հրդեհային անվտանգության վարչության փորձագետ (համաձայնությամբ),
Ն. Կնյազյան	գիտությունների ազգային ակադեմիայի Մ. Մանվելյանի անվան ընդհանուր և անօրգանական քիմիայի ինստիտուտի գիտական գծով փոխտնօրեն, տեխնիկական գիտությունների դոկտոր, պրոֆեսոր (համաձայնությամբ),
Ռ. Նաջարյան	շրջակա միջավայրի նախարարության թափոնների և մթնոլորտ արտանետումների կառավարման վարչության գլխավոր մասնագետ (հանձնաժողովի քարտուղար),
Ռ. Այվազյան	տարածքային կառավարման և ենթակառուցվածքների նախարարության ավտոմոբիլային տրանսպորտի քաղաքականության, լիցենզավորման և թույլտվությունների վարչության ավտոմոբիլային տրանսպորտի քաղաքականության բաժնի պետ (համաձայնությամբ):

Հավելված N2
Շրջակա միջավայրի նախարարի
2025թ. ~~սեպտեմբերի~~ « 12 » N 350-Լ հրամանի

ԱՇԽԱՏԱԿԱՐԳ

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆՈՒՄ ՎՏԱՆԳԱՎՈՐ ԹԱՓՈՆՆԵՐԻ
ԳՈՐԾԱԾՈՒԹՅԱՆ ԳՈՐԾՈՒՆԵՈՒԹՅՈՒՆԸ ԼԻՑԵՆԶԱՎՈՐՈՂ ՀԱՆՁՆԱԺՈՂՈՎԻ

I. ԸՆԴՀԱՆՈՒՐ ԴՐՈՒՅԹՆԵՐ

1. Սույն աշխատակարգով սահմանվում է Հայաստանի Հանրապետության կառավարության 2003 թվականի հունվարի 30-ի «Հայաստանի Հանրապետությունում վտանգավոր թափոնների գործածության գործունեության լիցենզավորման կարգը հաստատելու մասին» N 121-Ն որոշմամբ հաստատված կարգով (այսուհետ՝ կարգ) շրջակա միջավայրի պետական կառավարման լիազորված մարմին (այսուհետ՝ լիցենզավորող մարմին) տվյալ հայտատուի՝ վտանգավոր թափոնների գործածության գործունեությամբ զբաղվելու վերաբերյալ Հայաստանի Հանրապետությունում վտանգավոր թափոնների գործածության գործունեությունը լիցենզավորող հանձնաժողովի (այսուհետ՝ հանձնաժողով) եզրակացություններ կայացնելու հետ կապված գործառույթներն ու գործունեության կազմակերպման ընթացակարգը:

2. Հանձնաժողովն իր գործունեության ընթացքում ղեկավարվում է Հայաստանի Հանրապետության Սահմանադրությամբ, «Լիցենզավորման մասին» օրենքով, Հայաստանի Հանրապետության կառավարության 2003 թվականի հունվարի 30-ի N 121-Ն որոշմամբ, սույն աշխատակարգով և այլ իրավական ակտերով:

II. ՀԱՆՁՆԱԺՈՂՈՎԻ ՆՊԱՏԱԿՆ ՈՒ ԽՆԴԻՐՆԵՐԸ

3. Հանձնաժողովի նպատակը լիցենզավորող մարմնին տվյալ հայտատուի՝ վտանգավոր թափոնների գործածության գործունեությամբ զբաղվելու վերաբերյալ եզրակացության տալն է:

4. Հանձնաժողովի խնդիրներն են.

1) Հայաստանի Հանրապետությունում վտանգավոր թափոնների գործածության գործունեության լիցենզավորման համար մասնագիտորեն հիմնավորված եզրակացության ապահովումը,

2) տվյալ հայտատուի վտանգավոր թափոնների գործածության գործունեությամբ զբաղվելու վերաբերյալ լիցենզավորող մարմնին եզրակացության, հայտին կից փաստաթղթերի ընդունման և դրանց քննարկման գործընթացի ապահովումը:

III. ՀԱՆՁՆԱԺՈՂՈՎԻ ԳՈՐԾԱՌՈՒՅԹՆԵՐԸ

5. Հանձնաժողովի գործառույթներն են.

- 1) վտանգավոր թափոնների գործածության համար լիզենզավորվող գործունեության իրականացմանն անհրաժեշտ նյութատեխնիկական հագեցվածության փորձարտադրական տեղակայանքների, սարքավորումների ու անալիտիկ գործիքների, գործունեության իրականացման վայրի, վտանգավոր թափոնների տեղադրման վայրի ընտրության և անհրաժեշտ պայմաններով ապահովվածությանը վերաբերող փաստաթղթերի ուսումնասիրությունը,
- 2) վտանգավոր թափոնների գործածության գործունեությամբ զբաղվելու նպատակով տվյալ հայտատուի կողմից ներկայացված փաստաթղթերի ուսումնասիրության և գնահատման արդյունքում լիցենզավորվող գործունեության վերաբերյալ եզրակացության կազմումն ու այն լիցենզավորող մարմին ներկայացնելը,
- 3) լիցենզավորվող գործունեության վերաբերյալ էկոլոգիապես անվտանգ եղանակների ու պայմանների առաջարկություններ տալը,
- 4) «Լիցենզավորման մասին» օրենքով սահմանված այլ գործառույթներ:

IV. ՀԱՆՁՆԱԺՈՂՈՎԻ ԱՇԽԱՏԱՆՔՆԵՐԻ ԿԱԶՄԱԿԵՐՊՈՒՄԸ

6. Հանձնաժողովի աշխատանքները կազմակերպվում են նիստերի միջոցով:

7. Հանձնաժողովի նիստերը հրավիրվում են լիցենզավորող մարմնից հայտն ու փաստաթղթերն ստանալուց հետո՝ 7 աշխատանքային օրվա ընթացքում:

8. Հանձնաժողովի նիստերն իրավագոր են, եթե դրանց մասնակցում է հանձնաժողովի անդամների թվի կեսից ավելին: Հանձնաժողովի որոշումներն ընդունվում են քվեարկությամբ՝ հանձնաժողովի նիստին մասնակցող անդամների ձայների պարզ մեծամասնությամբ:

9. Հանձնաժողովը նիստի արդյունքում կայացնում է հետևյալ որոշումներից մեկը.

1) հայտատուի՝ լիցենզիա կամ լիցենզիային կից ներդիր ստանալու հայտը բավարարելու և վտանգավոր թափոնների գործածության գործունեությամբ կամ գործունեության համապատասխան տեսակով զբաղվելու վերաբերյալ դրական եզրակացություն տալու մասին,

2) հայտատուի՝ լիցենզիա կամ լիցենզիային կից ներդիր ստանալու հայտը մերժելու և վտանգավոր թափոնների գործածության գործունեությամբ կամ գործունեության համապատասխան տեսակով զբաղվելու վերաբերյալ բացասական եզրակացություն տալու մասին,

3) հայտատուին լիցենզիա կամ լիցենզիային կից ներդիր ստանալու հայտի կամ հայտին կից ներկայացված փաստաթղթերի թերությունները վերացնելու և դրանք կրկին ներկայացնելու առաջարկություն ներկայացնելու մասին,

4) հայտատուի՝ լիցենզիայի գործողությունը կասեցնելու կամ դադարեցնելու վերաբերյալ եզրակացություն տալու մասին:

10. Հանձնաժողովի նիստերը վարում է հանձնաժողովի նախագահը, իսկ նրա բացակայության դեպքում՝ հանձնաժողովի նախագահի տեղակալը:

11. Հանձնաժողովի նախագահը.

1) լիցենզավորվող գործունեության վերաբերյալ եզրակացություն կազմելու

նպատակով, տվյալ գործունեության շրջանակներում, հանձնաժողովի աշխատանքներում կարող է ներգրավել համապատասխան մասնագետների:

12. Հանձնաժողովի նախագահի տեղակալը.

- 1) հանձնաժողովի նախագահի բացակայության դեպքում փոխարինում է նրան,
- 2) ուսումնասիրում է լիցենզավորող մարմնից ստացված հայտն ու դրան կից փաստաթղթերի լիակազմությունը,
- 3) կազմակերպում է հանձնաժողովի նիստերի հրավիրման աշխատանքները:

13. Հանձնաժողովի քարտուղարը.

- 1) հանձնաժողովի անդամներին տեղեկացնում է նիստի անցկացման օրվա, ժամի և տեղի մասին,
- 2) նախապատրաստում է հանձնաժողովի նիստում քննարկվելիք նյութերը և դրանք տրամադրում հանձնաժողովի անդամներին,
- 3) կազմում է հանձնաժողովի նիստի արձանագրությունը և ստորագրում այն,
- 4) քննարկման արդյունքների հիման վրա կազմում է վտանգավոր թափոնների գործածության գործունեության լիցենզավորման վերաբերյալ եզրակացությունը և արձանագրությունը՝ հանձնաժողովի քարտուղարի ստորագրությունով ներկայացնում հանձնաժողովի նախագահին՝ ստորագրության,
- 5) լիցենզիաների էլեկտրոնային միասնական գրանցամատյանում գրանցում է լիցենզավորող մարմնից ստացված հայտն ու դրան կից փաստաթղթերը, հանձնաժողովի նիստերի արձանագրությունները և եզրակացությունները:

V. ՀԱՆՁՆԱԺՈՂՈՎԻ ԳՈՐԾՈՒՆԵՈՒԹՅԱՆ ԴԱԴԱՐՈՒՄԸ

14. Հանձնաժողովի գործունեությունը դադարում է Հայաստանի Հանրապետության օրենսդրությամբ սահմանված կարգով: